



JABATAN PERKHIDMATAN VETERINAR MALAYSIA

LAPORAN LIPUTAN MEDIA

01 MAC 2021

1. Tiada seekor kambing pun hidup
2. Kontraktor ubah haluan, bela arnab kerana permintaan tinggi
3. 25 kambing rentung
4. Punca pendapatan baharu

DISEDIAKAN OLEH:

**SEKSYEN KOMUNIKASI KORPORAT
JABATAN PERKHIDMATAN VETERINAR MALAYSIA**

Penternak rugi RM40,000 selepas 25 ekor kambing hangus dalam kebakaran

'Tiada seekor kambing pun hidup'

Oleh SYALMIZI HAMID

SEBERANG PERAI - "Saya tidak dapat menyelamatkan walau seekor kambing pun berikutnya api marak dengan begitu cepat."

Demikian kata seorang penternak yang mengalami kerugian kira-kira RM40,000 apabila kesemua 25 ekor kambing miliknya rentung dalam kebakaran kandang di Jalan Permatang Kerai Besar, Kepala Batas di sini pada pukul 10 malam kelmarin.

Talib Mat Sa'ad, 65, yang mengusahakan penternakan itu sejak hampir enam tahun lalu berkata, 25 ekor kambing yang hangus dijilat api itu membabitkan tujuh ekor jantan dan 18 ekor betina termasuklah dua ekor

baka jantan yang baru dibelinya.

"Saya hanya menyedari kejadian selepas melihat api menjulang tinggi ketika berada di rumah yang terletak kira-kira 100 meter dari kandang kambing," katanya kepada pemberita semalam.

Talib percaya kejadian itu berpunca daripada sisa bara api pembakaran najis kambing yang dibuatnya di bahagian bawah kandang bagi tujuan pembajaan.

"Ketika tinggalkan kandang sebelum pulang, saya mendapati, api hanya tinggal bara dan tidak sangka boleh merebak kerana aktiviti itu memang menjadi rutin saya," ujarnya.

Menurutnya, kerugian yang dialami dianggarkan kira-kira RM40,000 membabitkan kema-

tin kesemua ternakannya dan kandang yang hangus.

Sementara itu, Jurucakap Jabatan Bomba dan Penyelamat negeri berkata, kebakaran membabitkan sebuah kandang kambing binaan kayu berkeluasan kira-kira 84 meter persegi.

"Anggaran kemusnahan adalah kira-kira 90 peratus apabila hampir keseluruhan struktur hangus sehingga menyebabkan kematian 25 ekor kambing."

"Kebakaran dipercayai tercedus daripada pembakaran najis haiwan itu pada sebelah petang di bawah kandang," katanya.

Menurutnya, api berjaya dipadamkan pasukan dari Balai Bomba dan Penyelamat Kepala Batas pukul 10.51 malam.



KEADAAN kandang kambing yang hangus di Jalan Permatang Kerai Besar, Kepala Batas, Seberang Perai semalam.

Kontraktor ubah haluan, bela arnab kerana permintaan tinggi

PASIR SALAK – Kekurangan kontrak kerja sepanjang pelaksanaan Perintah Kawalan Pergerakan (PKP) menyebabkan seorang kontraktor nekad untuk mencebur i bidang penternakan arnab yang turut menjanjikan pulangan lumayan sejak enam bulan lalu.

Shahrul Asmawi Lim Abdullah, 66, berkata, bermodalkan RM50,000, dia telah membeli 200 ekor arnab jenis New Zealand White untuk dijadikan sebagai induk.

“Sejak enam bulan lalu, saya menjadi penternak arnab daging disebabkan permintaan yang tinggi di pasaran tempatan.

“Setakat ini saya sudah memperuntukkan modal mencecah RM50,000 bagi membeli 200 induk selain menyediakan keperluan lain untuk penjagaannya,” katanya ketika ditemui di Kampung Baru, Kampung Gajah dekat sini.

Tambah Shahru, induk yang mencecah usia 100 hari akan bunting selama sebulan sebelum melahirkan anak antara lima hingga lapan ekor dan ia boleh bunting dua kali dalam tempoh tiga bulan.

“Penternakan arnab memberi pulangan yang lumayan dan men-



SHAHRUL (kanan) bersama anaknya, Shahrizad di ladang arnabnya ketika ditemui di Kampung Baru, Kampung Gajah, Perak semalam.

dapat permintaan tinggi dari pada penggemarnya berdasarkan khasiat yang diperolehi.

“Apabila sudah cukup usia 100 hari dan berat mencecah dua kilogram, arnab sudah boleh disembelih dan dijual kepada pelanggan

dengan harga antara RM35 hingga RM38 sekilogram,” ujarnya.

Bagaimanapun, sehingga kini pihaknya masih dalam fasa membiakkan lagi ternakan itu dan akan mula menjual daging arnab tersebut tidak lama lagi.



KANDANG kambing milik Talib yang terbakar menyebabkan 25 ternakan yang dijual bagi tujuan korban dan aqiqah, rentung.

25 kambing rentung

Penternak reda tanggung rugi RM40,000 kandang dijilat api

Oleh Zuhainy Zulkifli
am@hmetro.com.my

Kepala Batas

Seorang penternak reda apabila 25 kambingnya rentung dalam kebakaran kandang di Jalan Permatang Kerai Besar di sini, malam kelmarin.

Kebakaran yang disedariinya pada jam 10 malam itu membabitkan semua kambing yang akan dijual bagi tujuan ibadah korban dan aqiqah.

Penternak berkenaan, Talib Mat Sa'ad, 65, berkata, dia sudah mengusahakan ternakan itu sejak tujuh tahun lalu.

Menurutnya, kandang itu

terletak kira-kira 100 meter dari rumah saya namun tidak menyedari ketika kebakaran berlaku.

"Disebabkan itu, saya gagal menyelamatkan semua 25 kambing berkenaan termasuk dua kambing jantan yang baru dibeli," katanya di sini, semalam.

Menurutnya, sudah menjadi kebiasaan-nya membakar najis kambing di bahagian bawah kandang terbabit.

"Kalau najis kambing sudah banyak, biasanya saya akan bakar dan ketika ting-

galkan kandang saya dapat ia hanya tinggal bara.

"Tidak sangka pula ia akan menjadi punca kepada kebakaran kandang terbabit. Nilai kerugian yang dialami dianggarkan sebanyak RM40,000," katanya.

Jurucakap Pusat Gerakan Operasi (PGO) Jabatan Bomba dan Penyelamat Malaysia (JBPM) Pulau Pinang berkata, pihaknya menerima panggilan menganai kejadian itu jam 10.18 malam.

Menurutnya, pegawai dan anggota dari Balai Bomba

dan Penyelamat (BBP) Kepala Batas kemudiannya digerakkan ke lokasi kejadian.

"Ketika tiba di lokasi, didapati kandang berkenaan sudah terbakar sebanyak 90 peratus dan strukturnya yang diperbuat daripada kayu menyebabkan api marak dengan cepat.

"Difahamkan oleh pemilik ternakan itu bahawa kejadian terbabit diperdayai berpunca daripada kerja pembakaran najis kambing yang dilakukannya pada petang semalam (kelmarin)," kata dia.

Menurutnya, api berjaya dikawal jam 10.40 malam dan operasi tamat sepenuhnya jam 11.04 malam.

"Saya gagal menyelamatkan semua 25 kambing berkenaan
Talib"

"Saya gagal menyelamatkan semua 25 kambing berkenaan
Talib"

Punca pendapatan baharu



PETANI, Mohd Anuar Md Daud, 25, memeriksa jerami gulung mini yang dikumpulkan di sebuah gudang sebelum dijual kepada orang ramai di Kampung Tanah 100, Mukim Tebengau, Alor Setar, kelmarin. Mohd Anuar berkata, selain dijadikan makanan ternakan, jerami gulung yang dibeli pelanggan digunakan untuk membuat baja kompos dan medium penghasilan cendawan. Sebelum itu, Mohd Anuar membelanjakan RM20,000 wang simpanan hasil jualan padi untuk membeli mesin penggulung jerami mini. Katanya, walaupun aktiviti menggulung jerami ini bermusim namun lanya berbaloi dan terbukti menjadi punca pendapatan baharu meskipun berdepan kemerosotan hasil padi musim ini.